

四庫全書存目叢書編纂委員會編

齊魯書社

四庫全書存目叢書

史部
第二二七冊

責任編輯：孫言誠 賀 偉

ISBN 7-5333-0535-3



9 787533 305352 >

2B93/09

四庫全書存目叢書·史部二二七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二二七冊目次

史部·地理類

籌海重編十二卷

〔明〕鄭若曾撰 鄧鍾重輯
河南省圖書館藏明萬曆刻本

..... 一

海防述略一卷

〔清〕杜臻撰
涵芬樓影印清道光十一年六安晁氏木活字學海類編本

..... 二五六

〔康熙〕延綏鎮志六卷

〔清〕譚吉璉纂修
北京大學圖書館藏清康熙刻乾隆增補本

..... 二六八

蠻司合誌十五卷

〔清〕毛奇齡撰
清華大學圖書館藏清康熙刻西河合集本

..... 五八二

江防總論一卷海防總論一卷

〔清〕姜宸英撰
涵芬樓影印清道光十一年六安晁氏木活字學海類編本

..... 七〇三


籌海重編十二卷

〔明〕鄭若曾撰 鄧鍾重輯

河南省圖書館藏明萬曆刻本

附《四庫全書總目·籌海重編

十卷》提要



酒肉而虜之患常在西北倭之患常在東南西北習虜故利於禦虜東南習倭故利於禦倭蓋虜與倭異情而我所以禦之亦異宜其大較若此矣虜姑無論倭自嘉隆以來海波不揚者垂三十年東南且忘倭何言西北歲辛卯閩人自海外來備言倭關白匪茹狀守臣以聞

天子下羣臣議防倭計無何倭果入朝鮮迫遼左如閩人言而臣彥適有督兩粵之役粵以東固海國也其曷敢無備蓋余筮仕武林嘗讀所爲籌海圖編者亟摻之篋中得之談海事甚具於是手而授之總戎童君元鎮曰其校之童君曰鄧鍾可任也於是則付之鐘芟其繁蕪叅以續聞而童君復

相與訂而正之編旣成手其稿請於余余曰是編也不可以無傳傳之卽西北且習不傳之卽東南且忘余懼其忘之也夫是編也其可與九邊圖論並存已九邊圖以防虜籌海圖以防倭兩者其何能爲然余竊有感於往事焉嘉靖中東南數中倭我奸民王直徐海輩竊據海上日糾倭入寇

無已時至動天下之兵以勦之不支而胡尚書宗憲寔任之宗憲曰二酋不擒禍未弭也多方用間誘二酋而弄之股掌之中卒之倭殲而二酋戮患遂息尚書性豪邁不受束繩墨輕千金如塵其軍興不能無濫費費且不可詰而東南十年之患一旦底定則尚書力也倘可比李之市租陳之

反間金乎尚書旣以論罷罷而構尚書者旋誣以蜚語

詔逮問賴

肅皇帝聖明寬其身又賴

今上聖明寬其家而尚書竟客歿於邸其家亦幾於壁立余仕武林則武林人莫不爲尚書嗟者豈惟尚書鄞有蔣陳兩生者應尚書募航海論日本陰誘直而卒以直來兩生者其人不可知其干文罔不可知要以狎風濤出十歿一生以爲所欲爲斯亦難矣直戮而兩生坐危法幾論歿今其畧俱具圖編中故夫國家之難也常難於任人而人臣之難也常難於令終則豈非當事者不暇顧其後而議事者不復念其前兩相戾而無當哉今

蘇海重編

卷之首序文

四

天子拊髀才賢保久疆場而秉成堯樞三

五大老又皆破拘孿之見以鼓舞豪

杰漸收實用卽以一能一技自求試

朝至而夕錄之不少後嗟乎斯又千

載一時已章縫介冑之士草茅閭左

之賤誠有其人乎振長策行獨意斬

關白之頭以懸之闕下何疑何阻其

惟今日哉其惟今日哉余不敏書以

俟之且以質之能爲胡尚書而不爲

胡尚書也者

萬曆壬辰歲八月之望宛陵蕭彥書



蘇海重編

卷之首序文

五

籌海圖編序

今比年海內憂世之士游談聚議必曰南倭北虜然言倭事者畧矣畧矣何者我

國家之有天下寔逐狄君而宅之狄君連遁而遺孽支屬尚多有之是雖大將屢出

成祖三犁然地廣種繁滋殖甚易故永樂來馬哈木

阿魯台本雅失里之徒跳梁躡躅至爵之三王而

後少戢以定矧又割大寧而棄之其後寔然寔穢

卽紅羅白雲開平木葉東勝拂雲之險皆不能守

正統未幾至覆沒弘治中繼以火篩浸淫削折并

籌海重編

卷之首序文

六

朔方河南故地遂失矣自是國門戎索之憂肘腋腹心之患日切孔邇憂及

廊廟卽

廊廟不遑暇食文經武畧歲積月增乃諸邊鎮既有

撫臣又設總督而總督之設初亦止於延寧甘肅

四鎮而止其後宣大遼薊則皆並設至於兵備憲

使叅遊副將之屬不可勝紀法益日詳密矣故西

北邊事雖苦官冗費鉅然以張皇戒詰卽韋褐文

墨之士類能言之而其輿地形勢與書疏論著世

多有而傳焉事往往在人耳目倭之負海卽自玄

菟樂浪迄於徐聞東莞要無慮萬餘里所在可犯然自

聖祖拒絕信國經畧之後伏不敢動者頗歷年所永

樂中雖嘗蠢動賴劉江望海窩之捷寧謐益百餘

歲要不獨韋褐文墨之士不能詳其本末卽縉紳

樞筦者流亦與相忘久矣比歲海防闕疎船利美

溢濱海三窟之豪造舟貨直淵藪卵翼橫行洋中

翩翩如雁春來秋去各有主名當事者卽知其然

而憂連懼及托於暗且瞶矣故人老而耄以荒器

陳而蔽以犯法久而蠱且蠹蓋其理也重以風俗

籌海重編

卷之首序文

七

崩頽紀綱瀾潰君子小人交騖於利以陰召陰小

雅廢而喬夷乘矣前此十數禩

廟堂益憂患之嘗遣重臣巡視竟以罹禍自是益靡

所忌因緣忿怒轉爲叛逆乘勝從衡役焉思落益

自壬子至戊午黃巖至淮泗沙壩場渚至村落邑

鎮而兩浙三吳長淮之禍變慘矣所賴

聖主憂民天心悔禍英豪僇力兇渠授首雖其遺孥

餘烈時或灼然而巨鯨大勢溢其遑矣顧當時變

出倉卒事承疊壞徵兵調賦署吏建官一切從便

頗覺煩費多事焉爰有崑山鄭子伯魯故太常卿

魏莊渠先生高弟子也有志匡時而隕於命親在
圍城竊觀當世舉措有慨於中念欲記載論著貽
之方來卽凡兵興以來公私牘牒劾搜遠索手自
鈔寫家本劇郡而居又密切理所夙以德學見禮
有位故得究詳焉他日以其間繕造沿海圖本十
有二幅附以考論郡守太原王君爲之板行因獻
督府梅林胡公公見而驚曰韋布中乃有斯人耶
此世所稀睹余比欲爲之而未皇暇及韋布中乃
有斯人耶於是檄來武林使益成書伯魯感激知
遇追跡寇始詳稽典制參質風謠卽賊所入寇歲

籌海重編

卷之首序文

八

月道路克捷債北與今昔王客兵馬饋餉之數舟
楫器械戰守屯戍之法備書具載凡爲卷者十有
三蓋後經世者有據依矣雖然前茲所載譬之局
方醫案已事云爾若夫審運氣之流行察藏府之
虛實辨脉衛之理亂增損劑量弗泥弗執則係乎
神聖工巧之人矣昔仲尼答顏孫氏知來之問而
反復乎損益之際孟子與告畢戰井地之法亦曰
此其大畧也若夫潤澤之則在君與子矣嗟夫損
益潤澤道豈虛行變通神明是維賢者至於制治
未亂保邦未危防乎其防則余益深望當世之君

于焉

嘉靖辛酉秋八月旣望

欽差巡撫江西等處地方兼理軍務都察院右副都
御史滁上胡松序

籌海重編

卷之首序文

九

刻壽海圖編引

於戲天地剖判厥有華夷華內而夷外華馴而夷獷肇冠裳而夷鱗介斯陰陽之大分也山海之險天固將爲之防乎是故先王因其防而防之因之時義大矣哉昔因之則我可以守彼不可以來不善因之則所謂險者彼反乘之敵我矣吁可畏也夫夷之域於海有主名而可知者無慮數種而倭奴尤黠勝國而上無論也我太祖高皇帝驅虜奠極四夷咸賓獨於倭奴則絕弗與通爲防益切

神謨淵識蓋至今日而始驗云壬子以來倭之變極矣乃得今少保胡公祇承

天威殲慮紓策元兇授馘餘黨底平當變之始作也蒞事籌海重編

卷之首引

十

者欲按往迹便地利偵聽技以圖萬全之功而紀載蔑如無所從得僅有日本考畧而掛纖漏鉅無開成敗咸以爲恨荆川唐公順之謂管宜有所述毋復令後人之恨今也稿未半荆川不逮郡伯王公固命成之無何少保公以王記來召發蒙啓牘且獲從幕下諸文武士聞所未聞數越月而書竣事夫天下猶一身也善攝生者稟稟未病之防不幸而疾則必酌方投餌不忍一日安於其心有仁天下之心者何以異此曾非其人也然嘗觀國手之治疾而得其說矣願竊有擬焉是故人之身百骸九竅經絡相應非顯揭而指示之則懵無所見節宣之度何自而施故首之以輿地諸圖人而男女起處飲食克護克恭勿整其常則榮衛調適膚革允盈大門

不足患故次之以王官出使入貢事畧其變而五火鬱

其中六淫感其外則疾疾具作而鑿工奏能故次之以

倭寇始末又次之以大捷諸紀知如此而病仰知弗如

此弗病其症以某方起某方以某症易某藥備錄而存

之俾後事者不必近扁跗而疲瘥可瘥故復以經畧事

宜終焉迺若謂論諸夷以禁倭亂許互市以順夷情是

困而委璧怨家御女而求百一之助恃其所必不可恃

智吾之精以速其歟爾曾無取也是編也肇意於荆川

王成於郡守而少保公實主之其翼而輔之者則栢泉

胡公松晴江杜公樞中方范公惟一婁江唐公愛洋山

凌公雲翼二華譚公綸印東王公春澤一菴唐公樞允

齋嚴公中鹿門茅公坤翔海戴公冲霄松坡黎公秀南

塘成公繼光水南蔡君汝蘭九河俞君獻可考閱史志

以備採擇則吾兒應龍一鸞傾發宛委商訂義例則丹

陽邵君芳之力君多邵君有經濟之負隱而未試少保

公所器重而賓禮者因面命而得其相切磋云
嘉靖辛酉冬十有二月肫日崑山鄭若曾謹識

凡例

一籌海圖編先是少保胡梅林公徵鄭若魯氏於幕府而成之也邇海上傳警

制府蕭公慨然懷安攘之畧因取是編而筆削之刪其繁冗者十之二三至沿革不同學畫未備者屬鐘重輯之題曰籌海重編夫政之所及者近書之所傳者遠非存心於天下者不務也

一是編爲籌海而作必冠以輿地全圖者示一統之盛也舊本失今增入

一不按圖籍不可以知扼塞不審形勢不可以施經畧邊海自粵抵遼延袤一萬五千餘里皆倭奴入犯之處地形或凸入海中或凹入內地皆備載之舊本闕

籌海重編

卷之百凡例

三

廣二圖多差訛今從新改正浙直以上見聞必且依舊圖稍隱括之

一載王官使倭及倭國入貢事略者見歷代之服叛不常附針路經者便使事也

一各省先沿海總圖使郡縣衛所一覽盡在目中各府山沙圖不復贅入

一各省俱載兵防官考以見備禦之密且信地昭然即按籍可明功罪江北以上信地未悉當闕所疑

一各省倭變紀皆存其大者如攻城破邑及覆軍殺將之類其小小劫掠倭往倭來者不及縷載舊有大捷考遇難殉節考今俱纂入倭變紀中不重複嘉靖四十年以後係增入

一各省事宜或採奏疏或據誌籍或訪輿論皆仍舊章而稍損益之大都論及海防者載之其有關係雖大而與此書不相涉者弗及也

一載倭國事畧倭國圖者所謂知彼知己百戰不殆也附入寇圖者知所由入則知所由禦矣舊編在各省之前今移各省之後庶華夷得體朝鮮圖說係新增一寇踪分合始末見倭黨名酋中國之人居多禍之興有自來矣

一經畧必首寇原者何法家先案而後斷名醫因証而酌方兇事必有端變不猝至識其端而預防其漸尤經畧之上策也

一當道海防長策或已經舉行或行之未盡或一事而

籌海重編

卷之百凡例

三

甲可乙否均備採擇與夫兵船火器兵器有圖有說皆經畧之不可無者故併收入

一當事諸公仍舊書名示可傳也

一編中如尚書譚二華仍舊稱海道少保戚南塘仍舊稱參將者就其建功持議之日書之不敢改也

一編中先廣東次福建次浙直者從萬里海圖自南而北也各省兵防官考粵先南澳閩先烽火浙先海寧者從各省總圖自北而南也

籌海重編目錄

卷之一

一統輿圖

萬里海圖

卷之二

王官使倭事畧

倭國入貢事畧

針路經

卷之三

廣東總圖

廣東兵防官考

廣東倭變紀

籌海重編 卷之四 總目錄

廣東事宜

卷之四

福建總圖

福建兵防官考

福建倭變紀

福建事宜

卷之五

浙江總圖

浙江兵防官考

浙江倭變紀

浙江事宜

卷之六

南直隸總圖

南直隸兵防官考

南直隸倭變紀

南直隸事宜

卷之七

山東總圖

山東兵防官考

山東倭變紀

山東事宜

北直隸總圖

北直隸兵防官考

北直隸事宜

籌海重編 卷之八 總目錄

遼海總圖

遼海兵防官考

遼海倭變紀

遼海事宜

卷之八

朝鮮國圖

朝鮮事畧

日本國圖

日本入寇圖

倭國事畧

寇踪分合始末

卷之九

經畧一

卷之十

經畧二

卷之十一

經畧三

卷之十二

經畧四

籌海重編

卷之十總目錄

夫

籌海重編卷之一

目錄

一統輿圖

廣東海圖

福建海圖

浙江海圖

南直隸海圖

山東海圖

北直隸海圖

遼陽海圖

籌海重編

卷之一目錄

夫

崑山鄭若曾原編
晉江鄧鍾重編

